

կան 'ի կարողութենէ , մինչեւ լինել նոցա հոգիս ապաստան :

Իսկ Վէզիրն մեծ Քեօռ Եռասուֆ Փաշա հասեալ 'ի կողմանո Յոսպէացւոց , բանակեցաւ 'ի դաշտի անդ՝ և հանգիստ ետ զօրաց իւրոց զաւուրս 20 . եւ ապա ել և գնաց զինի Գազլիացւոց , և սրատահեալ միմեանց ետուն ճակատ սաստիկ . սրարտեցաւ բանակն Օսմանեան , և անկան քաղու մեռեալք և վիրաւորք 'ի դաշտի անդ . և ինքն Վէզիրն մնացեալ զօրօք իւրովք փախուցեալ անկաւ 'ի քաղաքն Յոսպէ , թողեալ յաւար թշնամեաց զկազմածս , զզէնս , զկարասիս և զգանձս բանակին :

Եւ զի յառաջագոյն որդի Բդեշխին Ապու Մէրէ կոչեցելոյ , եկեալ յերուսաղէմ արկեալ էր տուգանս 'ի վերայ վանօրէից . եւ 'ի սմին աւուրս (12 Ապրիլ) վերստին ել անդ և նեղութեամբ վշտացոյց զվանականս տուփիւք եւ լկանօք՝ կողոպտելով զնոսա դարձաւ 'ի բանակն : Եկեալ էր ընդ մեծի Վէզիրին և սեղանաւոր Ակնցի Չօփենց մահտեսի Անտօն Ամիրայն . 'ի սմանէ կանխաւ խնդրեալ էր Պետրոս Պատրիարք՝ լինել միջնորդ առ որդի Բդեշխին , զի մի խաղառ նիւռն արասցէ զՀոյս . այլ նա բնաւ ունին ոչ մատոյց բանից Անտօնի . թէպէտեւ զերծան առ ժամն 'ի ձեռաց նորա , այլ կասկած մեծ էր 'ի դառնալ նորա յետս . և նոցա պատահիլ նորանոր տառապանաց , պակասեցան կարեւոր պէտք վանաց , և դժուարութեամբ հայթայթէին զաւուրն պարէն , որոյ վասն աւաղէ Պետրոս Պատրիարք զթշուառութիւն իւրոյ ժամանակին , և բիւրիցս երանի ասէ մեռելոց որք 'ի Տէր ննջեցին :

Ի մեռանիլ տիրացու Սարգսի 'ի Կոստանդինուպօլիս , զոր իբր գործակատար Երուսաղէմի կարդեալ էր զնա Յովակիմ Պատրիարքի , որպէս դրեցաք , եւ նա հաւատարմութեամբ վարեաց զայն պաշտօն . իսկ զինի մահուան նորա Պետրոս Պատրիարք 'ի տեղի նորա առաքեաց փոխանորդ Երուսաղէմի զթէքիրտաղցի Յակօր եպիսկոպոս :

Եւ ի սոյն դառն ժամանակիս էառ նա ինքն Պետրոս զպատասխանիս նամակացն , զոր գրեաց ինքն և նախորդ իւր Յովակիմ առ Կայսրուհին Ռուսաց , և առ Յովսէփ եպիսկոպոս առաջնորդ կողմանցն այնոցիկ . ընդ նոսին եւ